

**Pisariatitsineq aallaavigalugu nunalerinermik ilinniarfimmik  
pilersitsisoqarnissaanut Naalakkersuisut  
nalunaarusioqquneqarnissaaanik Inatsisartut aalajangiiffigisassaattut  
siunnersuut. Nalunaarusiaq Narsami Nunalerinermik ilinniarfimmik  
pilersitsinissamik qulaajaanersuaq, pingaarnertut imminut  
pilersorsinnaaneq, nunalerineq aamma nerisassanik  
tunisassiornermik siunertaqartumik. Nalunaarusiaq Inatsisartut  
2023-mi ukiaanerani ataatsimiinneranni agguanneqassaaq.**

*Inatsisartunut ilaasortamit Mariane Paviassenimit, Inuit Ataqtigiit saqqummiunneqartoq*

**pillugu  
Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliap**

**siunnersuutip aappassaaneerpeqarneranut**

## **ISUMALIUTISSIISUTAA**

Ataatsimiititaliap suliarinninnermini ilaasortarai:

Inatsisartunut ilaasortaq Doris J. Jensen, Siumut, siulittaasoq  
Inatsisartunut ilaasortaq Nivi Olsen, Demokraatit, siulittaasup tullia  
Inatsisartunut ilaasortaq Mala Høy Kúko, Siumut  
Inatsisartunut ilaasortaq Maria Simonsen, Inuit Ataqtigiit  
Inatsisartunut ilaasortaq Eqaluk Høegh, Inuit Ataqtigiit

UKA2022-mi ulloq 15. november 2022 siullermeerinninnerup kingorna ataatsimiititaliap siunnersuut misissorpaa.

### **Siunnersuutip imarisai siunertaalu**

Siunnersuummi matumani Naalakkersuisut nalunaarusioqquneqarput, tassani pingaarnertut imminut pilersorsinnaaneq, nunalerineq aamma nerisassanik tunisassiornermik siunertaqartumik nunalerinermik ilinniarfimmik pilersitsinissamik pisariaqartitsisoqarnersoq pillugu qulaajaasoqassalluni. Ilinniarfimmik imminut pilersorsinnaanermik nerisassanillu tunisassiornermik ukkatarinnittumik pilersitsineq iluaqutissartaqarnersoq pillugu misissuisoqarnissaa siunnersuummi siunertaavoq. Tamanna tunngavigalugu nunatsinni

nerisassanik nioqutissanik tunisassiorneq annertunerulersinneqarsinnaanersoq taamaaliornikkullu nerisassaatsinnik nioqutissianik isumannaallisaanissaq, kiisalu siunissami nerisassanik nioqutissanik nunatsinnit tunisassiarineqartunik nunanut allanut tunisisarnerup annertunerulernissaa.

### **Siunnersuutip Inatsisartuni siullermeerneqarnera**

Siunnersuutip siullermeerneqarnerani Naalakkersuisut allannguutissatut siunnersuummik saqqummiussipput:

*“Nunalerinermik ilinniarfimmik pilersitsinissamik pisariaqartitsinermik qulaajaanermik imminut pilersornermik kiisalu inuussutissanik tunisassiornermik qiterititaqartumik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut. Qulaajaaneq Naalakkersuisut savaatilingorniat ilinniarfiata aamma Inuilip allangortinneqarsinnaaneramik kiisalu nutaangorsarneqarsinnaaneramik periarfissanik misissuinermut aallartissimasaannut ingerlareersumut ilaassaaq. Nalunaarusiaq kingusinnerpaamik Inatsisartut 2023-mi ukiakkut ataatsimiilerpata tunniunneqassaaq.”*

Nerisassanik nioqutissanik ineriartortitsineq pillugu kiisalu nunalerinermik ineriartortitsineq pillugu naalakkersuinikkut ukkatarinnittoqartariaqartoq oqallinnermi annertuumik isumaqatigiiffiuvoq. Tamanna tunngavigalugu siunnersuut ataatsimiititaliamut suliassangorlugu ingerlateqqinneqassasoq amerlasuunit isumaqataaffigineqarpoq, tassani ilaatigut siunnersuutip kiisalu allannguutissatut siunnersuutip pitsaaqutai periarfissaalu qanimut misissorneqassallutik. Taamaattorli siunnersuut sorleq suliareqqinneqassanersoq isumaqatigiiffigineqanngilaq – aalajangiiffigisassatut siunnersuutaqaartoq imaluunniit allannguutissatut siunnersuut. Tamanna pillugu assigiinngitsunik isummersortoqarpoq. Ilaatigut uparuarneqarpoq nalunaarusiamik nutaamik suliaqartoqarnissaa Naalakkersuisut suliaannut aallartinneqareersumut inissaqartinneqassagaluarpat suliakkersuutaaginnassasoq, ilaatigullu apeqquserneqarluni allannguutissatut siunnersuut naammassanersoq.

### **Ilisimatitsiffiusumik ataatsimiinneq**

Siunnersuummik suliarinninnerminut atatillugu ataatsimiititaliap Ilinniartitaanermut, Kultureqarnermut, Timersornermut Ilageeqarnermullu Naalakkersuisoq ilisimatitsiffiusumik ataatsimeeqatigaa. (((Ilisimatitsiffiusumik ataatsimiinnissamut aggeqqusissutip aammalu Ilinniartitaanermut, Kultureqarnermut, Timersornermut Ilageeqarnermullu Naalakkersuisup allakkatigut akissutaata assilineqarneri isumaliutissiissummut matumunnga ilanngussatut ilanngunneqarput.)))

**Ataatsimiititaliap siunnersuummik suliarinninnera**

Misissuinnermut ingerlasumut ilanngunneqarnissaanik Naalakkersuisut siunnersuutaatigut aalajangiiffigisassatut siunnersuummi siunniunneqartut annertutigisumik qulaajaasoqarsinnaassanerani Inatsisartut isumakuluutaat ataatsimiititaliamit maluginiarneqarpoq. Misissuinissap allannguutissatut siunnersuutikkut siunnersuutigineqartup annertussusia nassuiaammut siunnersuummi matumani pineqartumut naapertuuttoq Ilinniartitaanermut, Kultureqarnermut, Timersornermut Ilageeqarnermullu Naalakkersuisup ilisimatitsiffiusumik ataatsimeeqatigereernerani ataatsimiititaliamit inerniliunneqarpoq.

**Siunnersuutip aningaasatigut kingunerisassai**

Aalajangiiffigisassatut siunnersuummi misissuineq ukiumut sulinerit marluusut nalinganik akeqassasoq naatsorsuutigineqarpoq, nalinga 500.000 koruunit. Naalakkersuisut misissuinnermik aallartitsereersimasut pillugu Naalakkersuisut paasissutissiinerat tunngavigalugu siunnersuut ukiumut sulinerimik 500.000 koruuninik naleqartumik akeqarnissaa naatsorsuutigineqassasoq nalilerneqarpoq. Tassani Naalakkersuisoqarfimmi ilisimasanik avitseqatigiittarnissaq suleqatigiinnissarlu naatsorsuutigineqartariaqarpoq.

**Ataatsimiititaliap inassuteqaatai**

- Naalakkersuisut allannguutissatut siunnersuutaat akuerineqassasoq ataatsimiititaliap isumaqatigiittup inassutigaa.

Taama oqaaseqarluni isumaliutissiisummilu allassimasunut paasinnilluni ataatsimiititaliap siunnersuut aappassaaniigassanngortippaa.

---

Doris Jakobsen Jensen  
Siulittaasoq

---

Nivi Olsen  
Siulittaasup tullia

---

Eqaluk Høegh

---

Mala Høy Kúko

---

Mariia Simonsen



## Ilanngussaq Bilag 1

Ilinniartitaanermut, Kultureqarnermut,  
Timersornermut Ilageeqarnermullu  
Naalakkersuisoq  
ikiin@nanoq.gl

Ulloq: 21-03-2023  
J.nr.: 01.39.01.04-00045

**Ilinniartitaanermut, Kultureqarnermut, Ilisimatusarnermut Ilageeqarnermullu Ataatsimiititaliaq peqatigalugu ilisimatitsiffiusumik ataatsimeeqatigiinneq**  
Matumuuna Ilinniartitaanermut, Kultureqarnermut, Timersornermut Ilageeqarnermullu Naalakkersuisoq Ilinniartitaanermut, Kultureqarnermut, Ilisimatusarnermut Ilageeqarnermullu Ataatsimiititaliamit ulloq 28/03 kl. 15.00-16.00 ataatsimiittarfik Lars Chemnitzimi ilisimatitsiffiusumik ataatsimiinnissamut aggersarneqarpoq. Tulliuttutigut allaqqasut pillugit ilisimatitsisoqarnissaa ataatsimiititaliamit kissaatigineqarpoq:

### 1) UKA2022/34 – Nunalerinermik ilinniarfimmik pilersitsinissaq pillugu nassuiaat

UKA2022/34 pillugu akissuteqaammi Naalakkersuisut imatut allannguutissatut siunnersuuteqarput:

*“Nunalerinermik ilinniarfimmik pilersitsinissamik pisariaqartitsinermik qulaajaanermik imminut pilersornermik kiisalu inuussutissanik tunisassiornermik qiterititaqartumik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut. Qulaajaaneq Naalakkersuisut savaatilinggorniat ilinniarfiata aamma Inuilip allangortinneqarsinnaaneramik kiisalu nutaanngorsarneqarsinnaaneramik periarfissanik misissuinermit aallartissimasaannut ingerlareersumut ilaassaaq. Nalunaarusiaq kingusinnerpaamik Inatsisartut 2023-mi ukiakkut ataatsimiilerpata tunniunneqassaaq.”*

- a) Tassunga atatillugu misissuineq ingerlareersoq allannguutissatut siunnersuummi taakkartorneqartoq pillugu killiffimmik ataatsimiititaliaq ilisimatitsiffigineqarusuppoq.
- b) Tamatuma saniatigut misissuinermit ingerlareersumut ilanngussisoqarnissaanik siunnersuutigineqartumi aalajangiussassatut siunnersuummi ilanngunneqartoq assigalugu qulaajaasoqassanersoq pillugu ataatsimiititaliaq ilisimatitsiffigineqarusuppoq.

### 2) EM2022/87 – Ilulissani takornariaqarneq aallaavigalugu ilinniarfiusinnaasumik pilersitsinissaq pillugu misissuineq

UKA2022/87 pillugu akissuteqaammi Naalakkersuisut imatut allannguutissatut siunnersuuteqarput:

*“Ilulissani ilinniarfimmik pilersitsinissaq pillugu Naalakkersuisut misissuinermit suliaqaqqullugit peqquneqarnissaanik Inatsisartunut aalajangiiffigisassatut siunnersuut. Ilinniarfiup minnerpaamik ilinniakkat Serviceøkonom, Arktisk Turistguide aamma Adventure Guide neqeroorutigissavai. Misissuineq immikkoortoq 95-imut aamma*

*immikkoortoq 107-imut misissuinnermut ingerlareersumut ilaassaaq, kingusinnerpaamillu Inatsisartut 2023-mi upernaakkut ataatsimiilerpata tunniunneqassalluni."*

- a) Tassunga atatillugu misissuineq ingerlareersoq allannguutissatut siunnersuummi taakkartorneqartoq pillugu killiffimmik ataatsimiititaliaq ilisimatitsiffigineqarusuppoq, kiisalu aalajangiussassatut siunnersuut misissuinnermut ingerlareersumut ilanngunneqarnissaa qanoq eqqarsaatersuutigineqarnersoq.
- b) Immikkoortoq 95-imut aamma immikkoortoq 107-imut misissuinerit kingusinnerpaamillu Inatsisartut 2023-mi upernaakkut ataatsimiilerpata tunniunneqarnissaanut killiliussaq eqqarsaatigalugu, misissuinnermut ingerlareersumut ilanngunneqarnissaat Naalackersuisunit qanoq angummanniarfigineqassanersoq pillugu ilisimatitsisoqarnissaa ataatsimiititaliamit kissaatigineqarpoq.
- c) Takornariaqarneq pillugu ilinniarfiusinnaasut inerisarneqarnissaat pillugit Naalackersuisut qanoq pilersaaruteqarlutillu takorluugaqarpat?
- d) Apeqqutit tulliuuttutigit allaqqasut UKA2022/87 pillugu oqallinnermi apeqqutigineqarnikuusut misissuinnermi ingerlareersumi qulaajaavigineqassappat:
  - i) Takornariaqarneq aallaavigalugu ilinniarfiusinnaasumik nutaamik pilersitsineq takornariaqarnermut ilinniarfinnut pioreersunut qanoq sunniuteqassava?
  - ii) Qanoq iliornikkut Kalaallit Nunaata avannaani kangianilu pissutsit immikkut ittut eqqarsaatigalugit takornariaqarnermut ilinniarfiit naleqqussarneqarsinnaappat?
  - iii) Takornariaqarneq aallaavigalugu ilinniarfiusinnaasumik nutaamik pilersitsinnermi isumalluutiniq atuinermik kiisalu innuttaasut takornarialerinermik inuussutissarsiortutut ilinniagaqalernissaannik inuiaqatigiinni pisariaqartinneqartumik ilanngussilluni misissuineq imaqartinneqassava?

### **3) Perorsaasunik meeqqerivinnilu sulisunik amigaateqarneq**

- a) Perorsaasut ilinniarsimasut meeqqerivinnilu sulisut annertuumik amigaataapput. Perorsaasut meeqqerivinnilu sulisut amerlanerusut ilinniagaqalernissaat qanoq Naalackersuisunit qulakkearniarneqassanersoq pillugu ilisimatitsisoqarnissaa ataatsimiititaliamit kissaatigineqarpoq. Kiisalu suliniutit suut aallartinneqareersimanersut aammalu ukiumi aggersumi suliniutit suut aallartinneqartussatut pilersaarutaanersoq.
- b) SPS-imi 2022-mi meeqqerivimmi sulisutut kiisalu perorsaasutut ilinniarfimmu qinnuteqartut piukkunnaatillit naammattut pissarsiarineqarsimanngitsut ataatsimiititaliamit paasineqarpoq. Ilinniarfiit taakku marluk danskisut aalajangersimasumik qaffasissusilik piumasaaqatigaat. Oqaatsip dansk iluani piginnaasat pillugit ilinnialernissamat piumasaaqatinut suna tunulequtaava?

Ilisimatitsiffiusumik ataatsimiinnerup nalaani malitseqartitsilluni apeqquteqarsinnaanissaq ataatsimiititaliamit naatsorsuutigineqarpoq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalackersuisumik ilisimatitsiffiusumik ataatsimeeqateqarnermut atatillugu pissarsitinneqarnissani ataatsimiititaliap kissaatigaa. Allakkiaq uunga nassiuteqquneqarpoq [inatsisartut@ina.alla.gl](mailto:inatsisartut@ina.alla.gl) assilineri ilanngullugu uunga [aiho@ina.alla.gl](mailto:aiho@ina.alla.gl).

Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliaq  
sinnerlugu.

Inussiarnersumik inuulluaqqusillunga



Doris J. Jensen

Ataatsimiititaliap Siulittaasua





Kultureqarnermut, Ilinniartitaanermut, Ilisimatusarnermut Ilageeqarnermullu  
Ataatsimiititaliamik ilisimatitsinertut ataatsimeeqateqarneq

## Ilanngussaq Bilag 2

1) UKA2022/34 – Nunalerinermik ilinniarfimmik pilersitsinissaq pillugu  
nassuiaat UKA2022/34 pillugu akissuteqaammi Naalakkersuisut imatut  
allannguutissatut siunnersuuteqarput:

- a) Tassunga atatillugu misissuineq ingerlareersoq allannguutissatut  
siunnersuummi taakkartorneqartoq pillugu killiffimmik ataatsimiititaliaq  
ilisimatitsiffigineqarusuppoq.

**Akissut:** Ataatsimiititaliap Upernaviarsummi savaatilingorniernerup  
nunalerinermut ilinniarfittut ineriartortinnissaanut aamma Inuili-p  
ineriartortinnissaanut misissuisup suliani nalunaarusianngorlugu  
kingusinnerpaamik august 2023-mi naammassissavaa. Ataatsimiititaliami  
pineqartumi ilaasortassat suli toqqarneqarsimannngimmata ataatsimiititaliaq suli  
sullilingilaq. Ataatsimiititaliami ukunangga inuttaqarnissaa isumaliutigineqarpoq:

Ilinniartitaanermut, Kultureqarnermut, Timersornermut Ilageeqarnermullu  
Naalakkersuisoqarfik ataatsimik aallartitaqassaaq  
Isumaginninnermut, Suliffeqarnermut Nunamullu Namminermut  
Naalakkersuisoqarfik ataatsimik aallartitaqassaaq  
Inuillimut – Food College Greenlandimut siulersuisut ataatsimik  
aallartitaqassapput.

Ataatsimiititaliami siulittaasuuneq aamma allattaaneq Ilinniartitaanermut,  
Kultureqarnermut, Timersornermut Ilageeqarnermullu Naalakkersuisoqarfiup  
isumagissavaa. Ataatsimiititaliamut aallartitassat toqqarneqariarpata 2023-mi  
aprilip aallartinnerani ataatsimiititaliap siullermik ataatsimiinnissaa  
naatsorsuutigineqarpoq.

2022-mili Naalakkersuisoqarfik nammineq misissuisimavoq,  
isumaliuteqarsimavoq il.il. taamaaliornermigullu ataatsimiititaliap sulinissaanut  
piareersaateqarsimalluni. Suliakkiissutissallu suliarineqarnera  
naatsorsuutigisamit sivisunerusimavoq suliarlu kinguarsarsimallugu.

- b) Tamatuma saniatigut misissuinnermut ingerlareersumut ilanngussisoqarnissaanik  
siunnersuutigineqartumi aalajangiussassatut siunnersuummi ilanngunneqartoq  
assigalugu qulaajaasoqassanersoq pillugu ataatsimiititaliaq  
ilisimatitsiffigineqarusuppoq.

28-03-2023  
Suliap normua. 2023 - 6840  
Akt nr. 22892705

Postboks 1029  
3900 Nuuk  
Oqqarasuaat: +299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)



**Akissut:** Naalackersuisut misissuineramik aallartitaani siunertaavoq  
Upernaviarsummi savaatilingorniat ilinniarfiata nunalerinermik ilinniarfittut  
pilersinneqarsinnaaneramik misissuinissaq aamma Inuilip  
allanngortinneqarsinnaaneranut kiisalu nutaanngorsarneqarsinnaaneranut  
periarfissanik misissuinissaq.

UKA2022/34-p suliarineqarneranut atatillugu qulaani taaneqartoq ajornartorsiut  
Naalackersuisut naleqqussarsimavaat, taamaaliornikkut imminut  
pilorsorsinnaanerup annertunerulernissaa erseqqinnerusumik  
alaatsinaanneqartussanngorlugu. "Nunalerinermik ilinniarfimmik imminut  
pilorsorsinnaaneq nerisassanillu tunisassiorneq ukkataralugu" misissuinissaq  
tamatumuuna ataatsimiititaliap suliaasaanut ilaalerpoq. Upernaviarsummi  
Savaatilingorniat ilinniarfiata inerisarnissaanut aamma Inuilip  
allanngortinneqarsinnaaneramik kiisalu nutaanngorsarneqarsinnaaneramik  
periarfissat pillugit misissuinissamut suliaakkiissut ilisimatitsissutitut  
ilanngunneqarpoq.

**2) EM2022/87 – Ilulissani fakornariaqarneq aallaavigalugu  
ilinniarfiusinnaasumik pilersitsinissaq pillugu misissuineq UKA2022/87 pillugu  
akissuteqaammi Naalackersuisut imatut allannguutissatut siunnersuuteqarput:**

- a) Tassunga atatillugu misissuineq ingerlareersoq allannguutissatut siunnersuummi  
taakkartorneqartoq pillugu killiffimmik ataatsimiititaliaq  
ilisimatitsiffigineqarusuppoq.

**Akissut:** UKA 2021/95 aamma 107 pillugit misissuineq Inatsisartunut UPA2023-  
mi agguaanneqassaaq. Nalunaarusiap april 2023-p aallartinnerani nutserisunut  
nassiunneqarnissaa naatsorsuutigineqarpoq.

UKA 2022/87-ip siullermeerneqarnerani Naalackersuisut ilisimatitsissutigaat,  
Naalackersuisut nalileraat siunnersuuteqartup misissuinissat siunnersuutai UKA  
2021/95-imi aamma 107-imi misissuineranut ilanngunneqarpata. Siunnersuutip  
siullermeerneqarnerani taamaattumik Naalackersuisut imatut allannguutissamik  
siunnersuuteqarput:

"Ilulissani ilinniarfimmik pilersitsinissaq pillugu Naalackersuisut misissuineramik  
suliaqaqqullugit peqquneqarnissaanik Inatsisartunut aalajangiiffigisassatut  
siunnersuut. Ilinniarfiup minnerpaamik ilinniakkat Serviceøkonom, Arktisk  
Turistguide aamma Adventure Guide neqeroorutigissavai. Misissuineq  
immikkoortoq UKA 2021/95-imut aamma immikkoortoq 107-imut misissuinermut  
ingerlareersumut ilaassaaq, kingusinnerpaamillu Inatsisartut 2023-mi  
upernaakkut ataatsimiilerpata tunniunneqassalluni."

Siunnersuummi misissuinissat siunnersuuteqartup siunnersuutaasa  
misissuinerami ilanngunneqarnissaat Naalackersuisut tulluartausoraat.

- b) Immikkoortoq 95-imut aamma immikkoortoq 107-imut misissuinerit  
kingusinnerpaamillu Inatsisartut 2023-mi upernaakkut ataatsimiilerpata  
tunniunneqarnissaanut killiliussa qeqarsaatigalugu, misissuinermut  
ingerlareersumut ilanngunneqarnissaat Naalackersuisunit qanoq

angummanniarfigineqassanersoq pillugu ilisimatitsisoqarnissaa  
ataatsimiititaliamit kissaatigineqarpoq.

**Akissut:** Tak. qulaaniittoq.

- c) Takornariaqarneq pillugu ilinniarfusinnaasut inerisarneqarnissaat pillugit  
Naalakkersuisut qanoq pilersaaruteqarlutilu takorluugaqarpat?

**Akissut:** Takornariaqarneq pillugu nalilersueqqinnerit pitinnagit misissuinerup  
inernerit innersuussutaalu Naalakkersuisut utaqqimaarniarpaat.

- d) Apeqqutit tulluuttutigut allaqqasut UKA2022/87 pillugu oqallinnermi  
apeqqutigineqarnikuusut misissuinermi ingerlareersumi  
qulaajaavigineqassappat:

- i) Takornariaqarneq aallaavigalugu ilinniarfusinnaasumik nutaamik  
pilersitsineq takornariaqarnermut ilinniarfennut pioreersunut qanoq  
sunniuteqassava?

**Akissut:** UKA2021/95-ip aamma 107-ip suliarinerani apeqqut qulaaniittoq  
qulaajarneqassanngilaq.

- ii) Qanoq iliornikkut Kalaallit Nunaata avannaani kangianilu pissutsit  
immikkut ittut eqqarsaatigalugit takornariaqarnermut ilinniarfiit  
naleqqussarneqarsinnaappat?

**Akissut:** Takornariaqarnermut ilinniartitaanerit nunatta Avannaani Tunumilu  
pissutsinut qanoq tulluussarneqarsinnaanersut UKA2021/95-imut aamma  
107-imut tunngatillugu misissuinerne sammineqassanngimmata aallarniutitut  
ilisimatitsissutigineqassaaq. Takornariaqarnermut ilinniartitaanerit  
nunatta Avannaani Tunumilu pissutsinut tulluussarneqarsinnaapput  
ilinniartitaanerit atuuttut iluarsaateqqinnerisigut imaluunniit ilinniartitaanernik  
nutaamik pilersitsinikkut. Ilinniartitaanerit ilikkagassatigut imarisassai aamma  
pitsaassutsimikkut qaffasissusissaat pillugu ataatsimiititaliamik  
assigisaanilluunniit pilersitsinissaq siunertaralugu suliffeqarnikkut  
pisariaqartitat pineqartumullu politikikkut anguniakkat naapertorlugit  
siunnersuinissaq tunaartaralugu iliuuseqarnissaq ilaatigut pisariaqassaaq.

- iii) Takornariaqarneq aallaavigalugu ilinniarfusinnaasumik nutaamik  
pilersitsinerne isumalluutunik atuinerne kiisalu innuttaasut  
takornarialerinerne inuussutissarsiortutut ilinniagaqalernissaannek  
inuaqatigiinni pisariaqartinneqartumik ilanngussilluni misissuineq  
imaqartinneqassava?

**Akissut:** Ilinniarfimmik nutaamik pilersitsisoqassappat tassunga  
aningaasartuutissat missiliorneqarnerat nalunaarusiamut  
ilanngunneqanngillat. UKA2021/95-imut aamma 107-imut tunngatillugu  
misissuinerne ajornartorsiut taanna ilaannginmat tamatuminna  
pissuteqarpoq. Aamma innuttaasunik takornariaqarnermut ilinniartitaanernik  
ilinniagaqarsimasunik inuaqatigiinni pisariaqartitsineq pillugu kisitsisit

atorlugit nassuiaasiaqanngilaq, tamatumunngalu pissutaaqataavoq ajornartorsiut tamanna UKA2021/95-imi aamma 107-imi pineqanngimmat.

### 3) Perorsaasunik meeqqerivinnilu sulisunik amigaateqarneq

a) Perorsaasut ilinniarsimasut meeqqerivinnilu sulisut annertuumik amigaataapput. Perorsaasut meeqqerivinnilu sulisut amerlanerusut ilinniagaqalernissaat qanoq Naalackersuisunit qulakkeerniarneqassanersoq pillugu ilisimatitsisoqarnissaa ataatsimiititaliamit kissaatigineqarpoq. Kiisalu suliniutit suut aallartinneqareersimanersut aammalu ukiumi aggersumi suliniutit suut aallartinneqartussatut pilersaarutaanersoq.

**Akissut:** Ilinniagaqarniarlutik qinnuteqartut sapinngisamik amerlanerpaat Perorsaanermit Ilinniartuup/SPS-ip ilinniartunngortittarai pingaarnertut taaneqassaaq. Ulluunerani meeqqanik sullissinermi ikiortinngorniarlutik 2022-mi qinnuteqartut ikippallaarnerat Perorsaanermit Ilinniartuup misigaa. Ilaatigulli qinnuteqartut ilinniakkamut qinnutigisaminut aallartinnissamut neqeroorfigineqarsimagaluartut aallartinngitsuuginnartarput.

Perorsaanermit ilinniartitaanernut atatillugu ilinniartitaanernik immikkut ussasaaruteqarnertut Perorsaanermik Ilinniartuup peqataasarpooq, aamma perorsaanermik aamma perorsaanermik ilinniakkanut inuusuttorpassuit soqutiginnittut oqaloqatigisarlugit. Ilinniartitaanerit pillugit upernavimmi, ilinniartitaanernik immikkut ussasaaruteqarfiusimannigsumi, ilisimatitsinissaaq neqeroorutigineqarsimasooq Perorsaanermik Ilinniartuup Naalackersuisoqarfimmuut ilisimatitsissutigaa, neqeroorulli Majoriamit itigartinneqarsimalluni. Taassuma saniatigut Perorsaanermik Ilinniartuup ukiaanerani Tasiilamiissimavoq ilinniartitaanernut periarfissat oqaloqatigiissutigalugit, januar 2023-milu ilinniartitaanernik immikkut ussasaaruteqarneq aaqquissuussimallugu Majoriaq suleqatigalugu.

Perorsaanermik ilinniagaqartut amerlanerulernissaat anguniarlugu suliniutit ingerlanneqartut:

2022-mi ukiakkut ulluunerani meeqqanik sullissinermi ikiortinngorniarlutik qinnuteqartut ikippallaarmata Perorsaanermik Ilinniartuup siusinnerusukkuut piginnaasaqarfiligassanut malitseqarfiusumik pikkorissartitsinerit misissoriarlugit piginnaasaqarfiligassanut pikkorissarsimasut ulluuneranilu meeqqanik sullissinermi ikiortinngorniarlutik ilinniarnissaminut piukkunnaateqartutut nalilerneqarsimasut toqqaannarlugit saaffigai. Tamatum kingunerisaanik 2023-p aallartinnerani ilinniaqatigiit Tasiilami aallartinneqarput (semesterimik ataatsimik kingusinaaraluarlutik), taamaalluni ukiumi ilinniagaqarfiusumi 2022/23-mi ulluunerani meeqqanik sullissinermi ikiortinngorniarlutik ilinniaqatigiit aallartinneqarput.

Ulluunerani meeqqanik sullissinermi ikiortinngorniarneq innuttaasunut ilinniartimmuut nuullutik ilinniagaqarsinnaanngitsunut neqeroorutaaneruvoq. Taamaattumik Perorsaanermik Ilinniartuup isumaginninnermi ikiortitut ilinniakkamut nunap immikkoortortaanit ilinniartuutaani neqeroorutigineqarneq ajorpoq. Taamaakkaluartooq 2023-mi Perorsaanermik Ilinniartuup Kommuneqarfik Sermersooq suleqatigalugu piginnaanngorsaalluni pikkorissaanerit Nuummi sulisunut ilinniagaqarsimannigsumut

aallartissimavai, taakkulu angusanik aaqqissuussinerit atorlugit ulluunerani meeqqanik sullissinermi ikiortinngorniarnermut ilinniarsinnaangussapput. Taamaattumik qinnuteqartut 20-t ulluunerani meeqqanik sullissinermi ikiortinngorniarnermut angusanik aaqqissuussinikkut soraarummeerutissanut qinnuteqartussat tiguneqarnissaat naatsorsuutigineqarpoq. Qinnuteqartunut Nuummi soraarummeersitsinissamut maannakkut piareersaasoqarpoq junimilu 2023-mi ilinniakkaminnik naammassisaqarnissaat naatsorsuutigineqarluni.

Suliniutit allat 2022-mi allartinneqartut tassaapput sulisunut ilinniagaqarsimangitsunut piginnaasaqarfigiligassanut malitseqarfiusunik pikkorissartitsinerit ukiumik ataatsimik sivilissuseqartumut isumaginninnermi ikiortitit ilinniarnermut angusanik aaqqissuussinerit atorlugit RKV-mut akuersissutaasinnaasut piginnaasaqarfigiligassanut malitseqarfiusunik pikkorissartitsinerit PKU suleqatigalugit. Ilinniaqatigiit siullit 20-nik ilinniartuqartut juni 2023-mi naammassissapput.

Perorsaanermik ilinniakkanut nalinginnaasumik qulakkeerneqarpoq immikkut ilinniaqatigiinnik pilersitsisinnaaneq, tassami Perorsaanermik Ilinniarfimmu 2022-mi taxameteritigut aningaasalersuinissamut tunngavissanut sinaakkutissat atuutilersinneqarnissaat qulakkeerneqarmata. Qitiusumik Ilinniarfiit allat assigalugit Perorsaanermik Ilinniarfik immikkut suliaissanut aningaasaliissutissat qulakkeersinnaangorpai aningaasanut inatsisip suliarineqarnerani aningaasaliissutissanut missingersuusiornikkut, taamaattumillu ilinniagaqatigiit pilersissinnaangorlugit qinnuteqartut ilinniartussanngortussat aallaavigalugit. Kiisalu Perorsaanermik Ilinniarfiup Naalakkersuisoqarfik suleqatigalugu najugaq qimannagu perorsaanermik ilinniakkamik naammassinnereersimasunut immikkut piginnaangorsaanermik pikkorissaanerit pilersissimavai, taamaalillutillu perorsaausut sammivilimmik bachelorit ilinniarnermi semesterimut kingullermut ilinniarsinnaangussapput, bachelorinngorniarnilunilu soraarummeerutissamik suliaqarsinnaangussallutik perorsaausut bachelorit ilinniagaqartut amerlanerulersinniarlugit. Aamma inuutissarsiuutini akademi-mi ilinniagaq immikkoortunut agguarneqarsimasoq neqeroortigineqarpoq, tassaavorlu qaffasinnerusumik ilinniartitaaneq sivikinnerusooq, najugarisanilu piffissaq tamaat aamma piffissap ilaani ingerlanneqartussatut neqeroortigineqartoq, ilinniartullu siullit 2023-mi naammassissapput.

Perorsaanermik Ilinniarfiup ilisimatitsissutigaa ukiumut ilinniarfiusumut 2023/24-mut perorsaanermik ilinniakkanut qinnuteqartut imatut isikkoqartut:

- SPU, Perorsaausut sammivilimmik bachelorit ilinniarneq: qinnuteqartut 68-it (Perorsaausut sammivilimmik bachelorit ilinniarnermut iserniarlutik pikkorissarsimasut marluupput)
- DPMU, Najugaq qimannagu perorsaanermik ilinniarneq, inuutissarsiuutini akademi-mi ilinniagaq: qinnuteqartut 41-t
- SAU Socialassistentit ilinniarneq: qinnuteqartut 60-it (inuussutissarsiuutinik ilinniartitsinertut qaffasissuseqartoq GUX-mullu ikaarsaartarfimmi suliniutit assingat atorfinissutaasinnaasumik bachelorinngorniarniluni qaffasinnerusunut ilinniartitaanernut oqaatsitigut piginnaasat ukkataralugit)
- SHU, Isumaginninnermi ikiortitit ilinniarneq: qinnuteqartut 219-it (taakkunanit 49-t Maniitsumit qinnuteqarput), inuussutissarsiuutinik ilinniartitsineq

- DMU, Ulluunerani meeqqanik sullissinermi ikiortinnigorniarneq: Qinnuteqartut 8-pput, inuussutissarsiutinik ilinniartitsineq nunaqarfinnut neqeroorutaasartooq

Naak amerlasuut qinnuteqartaraluartut ilinniartunngortitsinissaq pissutsinik arlalinnik tunngaveqartartoq Perorsaannermik Ilinniartitsineq ilisimatitsivoq, soorlu ukuninnga:

- Ilinniaqatigiittussanut qinnuteqartut amerlassusaat (Perorsaannermi Ilinniartitsineq ilinnerpaamik ilinniartut quliugaangata ilinniartitsinissaq ilinniarnermilu avatangiisit eqqarsaatigalugit aallartinneqartarput)
  - Ilinniartunut inissianik pissaqarniarneq
  - Ilinniakkamik naammassinermi akuerisaasumik (suliffimmi avatangiisitigut aamma akissarsiatigut) soorlu ilinniakkat bachelorit qaffasissuseqartut allat assigalugit, taakkulu qinnuteqartup ilinniartunngornissamut akuersinissaanut tunngaviusarput.

b) SPS-imi 2022-mi meeqqerivimmi sulisutut kiisalu perorsaasutut ilinniartitsineq qinnuteqartut piukkunnaatillit naammattut pissarsiarineqarsimanngitsut ataatsimiititaliamit paasineqarpoq. Ilinniartitsineq taakku marluk danskisut aalajangersimasumik qaffasissusilik piimasaqaatigaat. Oqaatsip dansk iluani piginnaasat pillugit ilinnialernissamut piimasaqaatinut suna tunulequtaava?

**Akissut:** Danskisut piginnaasassanik piimasaqaatit qinnuteqarnissamut aamma ilinniartunngortussatut tiguneqarnissamut akimmisaartitsisanngitsut isumaqarluni Perorsaannermik Ilinniartitsineq ilisimatitsivoq, aamma ajornartorsiut paasineqaraangat piginnaasaqarfigillikkannik piginnaasannik naliliinerit tunngavigalugit piimasaqaatinut tunngatillugu immikkut akuersissuteqarnissaq pisarpoq.

Ilinniakkani amerlanerni ilinniartitsinerit kalaallisut ingerlanneqartarput, Perorsaannermilli Ilinniartitsineq danskisut piginnaasaqarnissamut piimasaqaraangat tamatumunnga tunngaviusarput ilinniakkamut tulluuttunik ilisimatusaatinillu allatanik iluaquteqarsinnaaneq kiisalu ilinniartitsisunik kalaallisut oqaaseqartunik pissaqarniarneq.

Aamma ilinniartunngornissamut danskisut piginnaaneqarnissamut piimasaqaatit ilinniartut ilinniaqqinnissaannut tunngassuteqarput, taakku ilinniarnermi qaffasissutsinut ilinniakkat siuariartornerat tunngaviusarluni, kiisalu nunatsinni nunanilu assigiinngitsuni (nunat avannarliit) ilinniartitsineq isersinnaaneq eqqarsaatigalugu. Perorsaannermik Ilinniartitsineq qaffasinnerusumik ilinniakkani pitsaassusermut tunngasut tunngaviusarput, Perorsaannermik Ilinniartitsineq ilinniartut perorsaannikkut danskisut/nunat avannarlarmiutut ilisimasannik pissarsinissaat eqqarsaatigalugu.

Kiisalu qaffasinnerusumik ilinniartitaanerit nunani allani sungiusarluni sulinissamik periarfissiarput (soorlu Danmarkimi aamma nunani avannarlerni allani), tamannalu Danmarkimi/nunani avannarlerni inuiaqatigiinni perorsaannikkut immikkut ileqqoqartarpoq.

Suliniutit:

Isumaliutigineqarpoq ulluunerani meeqqanik sullissinermi ikiortinngorniarnermi oqaatsitigut piginnaasassat karakterimut F-imut appartinneqassanersut, anguniarneqartummi nuullutik ilinniarnissaat ilimagineqanngimmat.

Inussiarnersumik inuulluaqqusillunga

  
Peter Olsen